

ხელშეკრულება N 22
სახელმწიფო შესყიდვის შესახებ

ქ. ბათუმი

22/03/ 2023 წელი

ერთის მხრივ, შპს „აჭარის ნარჩენების მართვის კომპანია“ (ს/ნ 245626684)(შემდგომში „შემსყიდველი“), წარმოდგენილი დირექტორის ნოდარ კონცელიძის სახით და მეორეს მხრივ შპს ინტელექტ-აუდიტი (ს/ნ 404906973) (შემდგომში „მიმწოდებელი“), წარმოდგენილი დირექტორის ივანე გაჩეჩილაძის სახით, „სახელმწიფო შესყიდვის შესახებ“ საქართველოს კანონის და პრეტენდენტის შპს ინტელექტ-აუდიტის სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადების ნომერი (NAT230004587), კლასიფიკატორის (CPV) კოდი 79200000) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ფასების ცხრილი“ - შესასყიდი მომსახურებების ღირებულებები, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.
- 1.8. „ტექნიკური დავალება“ - მიმწოდებლის მიერ ელექტრონული ტენდერის ფარგლებში წარმოდგენილი „დანართი №1“, - რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. ხელშეკრულების საგანს წარმოადგენს შპს „აჭარის ნარჩენების მართვის კომპანიის“ მიერ 2022 წელს გაწეული სამეურნეო-საფინანსო საქმიანობის აუდიტორული შეფასების მომსახურება.
- 2.2 ხელშეკრულებით გათვალისწინებული მომსახურება და აღწერა მოცემულია სატენდერო დოკუმენტაციის NAT230004587 დანართი 1- ტექნიკურ დავალება. საბალანსო ფორმა - დანართი 2 , დანართი 3 - ხარჯთაღრიცხვა (განფასება) შესაბამისად, რომელიც თან ერთვის ხელშეკრულებას , როგორც მისი განუყოფელი ნაწილი.
- 2.3 კლასიფიკატორი კოდი : CPV -79200000;

3. ხელშეკრულების მოქმედების ვადები

- 3.1. ხელშეკრულება ძალაში შედის მისი ხელმოწერის მომენტიდან და მოქმედებს 2023 წლის 31 ივლისის ჩათვლით.

4. ხელშეკრულების ჯამური ღირებულება

- 4.1 ხელშეკრულების ჯამური ღირებულება შეადგენს -10` 500.00)(ათი ათას ხუთასი) ლარს, დღგ-ს გარეშე;
- 4.2 ხელშეკრულების ჯამური ღირებულება მოიცავს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების მოწოდების ადგილი და წესი

- 5.1. ხელშეკრულებით გათვალისწინებული ვალდებულების შესრულების ადგილია შემსყიდველის მისამართი: ქ. ბათუმი, ვ.გორგასალის ქ.124 , შპს „აჭარის ნარჩენების მართვის კომპანია“.
- 5.2 მომსახურების მიწოდების ვადად განისაზღვროს ხელშეკრულების გაფორმებიდან 60 (სამოცი) კალენდარული დღე.

6. მხარეთა ვალდებულებები:

- 6.1. მიმწოდებელი ვალდებულია მიაწოდოს შემსყიდველს ამ ხელშეკრულების 2.1. და 2.2 პუნქტში მითითებული უნაკლო მომსახურება.
- 6.2. თუკი ხელშეკრულების 2.1 და 2.2 პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.
- 6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.4. შემსყიდველი ვალდებულია მომწოდებლის მხრიდან მომსახურების მოწოდების შემდეგ გადაიხადოს მისი ფასი ამ ხელშეკრულებით გათვალისწინებული პირობებით;
- 6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

- 7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 7.2. წინასწარი ანგარიშსწორება არ გამოიყენება;
- 7.3. მიმწოდებელთან ანგარიშსწორება განხორციელდება ერთჯერადად, მიმწოდებლის მიერ აუდიტორული შეფასების განხორციელების და ხელშეკრულების მე-9 პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღის ვადაში.

8. ხელშეკრულების ინსპექტირება

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ამ მუხლის პირველი პუნქტით გათვალისწინებულ კონტროლსა და ზედამხედველობას განხორციელებს „შემსყიდველის“ მხრიდან ორგანიზაციის საფინანსო ეკონომიკური სამსახური.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. შესყიდვის საგნის მიღება-ჩაბარების წესი

- 9.1. გაწეული მომსახურება ჩაითვლება მიღებულად მხარეების მიერ შესაბამისი მიღება-ჩაბარების აქტის ხელმოწერის შემდეგ;
- 9.2. ხელშეკრულებით გათვალისწინებული მომსახურება ან მისი ნაწილი ჩაითვლება მიღებულად, მას შემდეგ რაც მიმწოდებლის მიერ წარმოდგენილი იქნება შესაბამისი საგადასახადო დოკუმენტაცია და შემსყიდველის მხრიდან არ არის გამოვლენილი ხარვეზი .
- 9.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია -შპს „აჭარის ნარჩენების მართვის კომპანია“-ს ხელმძღვანელი და საფინანსო ეკონომიკური სამსახური.

10. ხელშეკრულების შეწყვეტა

- 10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:
 - ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;
 - ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;
 - დ) მიმწოდებლის მიმართ დაიწყო გაკოტრების საქმის წარმოება;
 - ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

11.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა თითოეულ ვადაგადაცილებულ დღეზე 0,5 % ოდენობით

11.2. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

14.1. ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

15.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცემა მხარეთა შორის შესრულებულ ქართულ ენაზე;

15.5. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

15.6. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

16 მხარეთა რეკვიზიტები:

„შემსყიდველი“

შპს „აჭარის წარჩენების მართვის კომპანია“

მის: ქ. ბათუმი,
გორგასალის 124
ანგარიშის № GE98KS0000000340800017
ს/კოდი: 245626684
სს „ტერა ბანკი“
ბანკის კოდი: TEBAGE22

დირექტორი

ნოდარ კონცელიძე

„მიმწოდებელი“

შპს ინტელექტ-აუდიტი

საიდენტიფიკაციო კოდი 404906973
ქალაქი თბილისი
მისამართი გლდან-ნაძალადევის რაიონი, მუხიანის
II მ/რ, კორ. 5, ბ. №28
მომსახურე ბანკის „თი ბი სი ბანკი“
მომსახურე ბანკის კოდი TBCBGE22
ანგარიშის ნომერი GE17TB763013608010000
ტელეფონი +995322352512
intelektauditi@gmail.com

დირექტორი

ივანე გაჩეჩილაძე

ტექნიკური დავალება

1. შპს „აჭარის ნარჩენების მართვის კომპანია“-ს (ს/ნ: 245626684) მიერ 2022 წელს გაწეული საფინანსო-სამეურნეო საქმიანობის აუდიტორული შეფასება, კერძოდ:

- აღწეროს შპს „აჭარის ნარჩენების მართვის კომპანია“-ს ანგარიშები 2022 წლის 31 დეკემბრის მდგომარეობით, ანგარიშგების საერთაშორისო სტანდარტების (მსს ფასს) შესაბამისად.

- შპს „აჭარის ნარჩენების მართვის კომპანია“-ს ფინანსური ანგარიშგების აუდიტი 2022 წლის მდგომარეობით.

2. სამუშაოთა მოცულობა

2.1. შპს „აჭარის ნარჩენების მართვის კომპანია“-ს მიერ 2022 წელს გაწეული საფინანსო-სამეურნეო საქმიანობის აუდიტორული შეფასება მოიცავს:

- საწარმოს ბალანსის აუდიტი;
- მოგება-ზარალის აუდიტი;
- ფულადი ნაკადების მოძრაობის აუდიტი
- საწარმოს კაპიტალში ცვლილებების ანგარიშგების აუდიტი;
- ძირითადი საშუალებებისა და მასთან დაკავშირებული ოპერაციების აუდიტი;
- ბიუჯეტთან (ნებართვების, მოსაკრებლების) ანგარიშსწორების აუდიტი;
- დებიტორებთან, კრედიტორებთან არსებული მოთხოვნებისა და ვალდებულებების მოკვლევა, ანგარიშსწორების აუდიტი;
- შრომის ანაზღაურების ანგარიშსწორების აუდიტი;
- აჭარის ავტონომიური რესპუბლიკის ბიუჯეტიდან მიღებული დაფინანსების აღრიცხვის აუდიტი;
- გადასახადების (მათ შორის, საგადასახადო ვალდებულებების) დარიცხვის, დროულად გადახდისა და დეკლარირების სისწორის შესაბამისობის დადგენა საგადასახადო კანონმდებლობასთან მიმართებაში.
- სასაქონლო-მატერიალურ ფასეულობათა (მათ შორის, მარაგების) აუდიტი;
- აჭარის ა/რ ფინანსთა და ეკონომიკის მინისტრის 2018 წლის 6 თებერვლის №01-01-3/55 ბრძანებით დამტკიცებული დანართების დამოწმება აუდიტორის მიერ (დანართი №1 - EXCEL-ის ფაილი);
- 2022 წელს ელექტრონული შესყიდვის საშუალებების და გამარტივებული შესყიდვის გზით განხორციელებული შესყიდვების აუდიტი და სახელმწიფო შესყიდვების მარეგულირებელ კანონმდებლობასთან შესაბამისობის დადგენა;
- პრეტენდენტი ვალდებულია შემოწმების ობიექტის წარმომადგენლობაზე უფლებამოსილ პირ(ებ)ს აუდიტის წარმოების პროცესში მისცეს რეკომენდაციები და

საჭიროების შემთხვევაში გაასწორობინოს ფინანსური ანგარიშები, ხოლო დასრულებისთანავე გააცნოს და ჩააბაროს აუდიტორული დასკვნა.

2.2. განხორციელების ღონისძიებები და მომსახურების მოწოდება:

დავალების საერთო ხანგრძლივობა შეადგენს 60 დღეს.

ანგარიშების მოწოდება უნდა მოხდეს, როგორც ქართულ ისე ინგლისურ ენაზე (ნოტარიულად დამოწმებული თარგმანი).

აუდიტის ანგარიში უნდა შეიცავდეს აღმოჩენილი დარღვევების აღწერას (დარღვევათა ფაქტების დამადასტურებელი მტკიცებულებების ჩვენებით), დარღვევათა გასწორების გზებისა და ხერხების ასახვით ყოველი კონკრეტული ამოცანის მიხედვით, საწარმოს მოთხოვნის შესაბამისად უზრუნველყოფს აღმოჩენილი დარღვევების გასასწორებლად შესაბამისი პირველადი დოკუმენტების მომზადებას და საჭიროების შემთხვევაში მათ გასწორებას ერთიან ელექტრონულ სისტემაში.

მიმწოდებელი პასუხისმგებელია მის მიერ გაწეულ მომსახურებაზე და ვალდებულია აუნაზღაუროს შემსყიდველს ნებისმიერი ზიანი, რომელიც შეიძლება მას მიადგეს მომსახურების უხარისხოდ ან არაჯეროვნად გაწევის შემთხვევაში.

აუდიტმა უნდა გაითვალისწინოს, რომ მის მიერ მომზადებულ აუდიტორულ დასკვნაზე და ანგარიშზე შესაძლოა არსებობდეს შენიშვნები და მოსაზრებები აუდიტის ობიექტის მხრიდან, ამიტომ აუდიტმა დასკვნისა და ანგარიშის პროექტი თავდაპირველად უნდა წარუდგინოს აუდიტის ობიექტს.

მომსახურების შესრულების ადგილია - ქ. ბათუმი, ვ. გორგასლის ქ. #124, შპს „აჭარის ნარჩენების მართვის კომპანია“.

აუდიტორული მომსახურება უნდა განხორციელდეს წარმოდგენილი აუდიტორული შემოწმების გეგმის, არსებული აუდიტორული სტანდარტების, აუდიტის ეთიკის კოდექსის მოთხოვნების, დებულებისა და ნორმატიული აქტების შესაბამისად.

კომპანიის შესახებ ინფორმაცია		
1	კომპანიის სრული დასახელება	შპს "აჭარის ნარჩენების მართვის კომპანია"
2	კომპანიის საიდენტიფიკაციო ნომერი	245626684
3	ბიზნესის არსი (ძირითადი საქმიანობა, პროდუქცია ან სერვისი, მსხვილი მომხმარებლები, ა.შ.)	წესდების შესაბამისად საზოგადოების ძირითად საქმიანობას წარმოადგენს პროექტის „მყარი ნარჩენების მართვა აჭარაში“ განხორციელების ხელშეწყობა და ახალი სანიტარული ნაგავსაყრელი პოლიგონის მშენებლობა და ექსპლუატაცია
4	სულ აქტივები	48,210,700.00
5	წლიური არასაოპერაციო შემოსავალი (მათ შორის, სახელმწიფო დაფინანსება - 1 301 119 ლარი)	1,403,938.00
6	თანამშრომლების რაოდენობა	47
7	საბუღალტრო პროგრამის დასახელება რომელშიც არის აღრიცხული ოპერაციები (გთხოვთ მოგაწოდოთ შესაბამისა საბუღალტრო ბაზის არქივი)	ორისი
8	საანგარიშო პერიოდში საბუღალტრო ბაზაში აღრიცხული ტრანზაქციების საშუალო რაოდენობა	800
9	ბუღალტრული აღრიცხვის, ანგარიშგების და აუდიტის ზედამხედველობის სამსახურის მოთხოვნების შესაბამისად განსაზღვრული კომპანიის ზომითი კატეგორია(Saras.ge)	მესამე კატეგორიის საწარმო
10	სააღრიცხვო სისტემები რომელსაც იყენებს კომპანია საოპერაციო ბიზნეს გარემოში (საბუღალტრო, მენეჯერული და სხვა პროგრამები)	ორისი, E-document
კომპანიის საკონტაქტო ინფორმაცია		
11	მისამართი	ბათუმი, ვ. გორგასლის ქ. #124
12	ტელეფონი	595906016; 568055505
13	ელ-ფოსტა	ajarawmcompany@gmail.com

ფასების ცხრილი

პრეტენდენტის დასახელება შპს ინტელექტ-აუდიტი

#	მომსახურების დასახელება	მომსახურების ღირებულება
1	CPV79200000 საბუღალტრო, აუდიტორული და ფისკალური მომსახურებები სატენდერო დოკუმენტაციის დანართი 1 და დანართი 2 შესაბამისად	10500

შენიშვნა:

სატენდერო წინადადების ღირებულება წარმოდგენილი უნდა იყოს ლარში დღგ-ს გარეშე.

ფასების ცხრილის წარმოდგენლობის ან მისი განუფასებლად წარმოდგენის შემთხვევაში, პრეტენდენტი დაექვემდებარება დისკვალიფიკაციას

პრეტენდენტის ხელმოწერა.

Digitally signed by
LTD INTELLECT-
AUDIT
Date: 2023.03.10
00:04:37 +04'00'